

Hysbysiad Preifatrwydd – Ymarferion Ymgynghori Defra

Mae'r hysbysiad preifatrwydd hwn yn esbonio sut y bydd Defra a Llywodraeth Cymru yn defnyddio'ch data wrth brosesu ymatebion i'r ymgynghoriad ar y Cynllun Rheoli Pysgodfeydd (FMP). Os oes gennych unrhyw ymholiadau ynglŷn â chynnwys yr hysbysiad preifatrwydd hwn, anfonwch neges e-bost at FMPconsultations@defra.gov.uk.

Pwy sy'n casglu eich data personol

Adran yr Amgylchedd, Bwyd a Materion Gwledig (Defra) a Llywodraeth Cymru yw rheolwyr y data personol a gasglwn:

Adran yr Amgylchedd, Bwyd a Materion Gwledig
Adeilad Seacole
2 Marsham Street
Llundain
SW1P 4DF

Os oes arnoch angen rhagor o wybodaeth am sut mae Defra'n defnyddio'ch data personol a'ch hawliau cysylltiedig, gallwch gysylltu â rheolwr diogelu data Defra trwy data.protection@defra.gov.uk neu yn y cyfeiriad uchod.

Mae'r swyddog diogelu data ar gyfer Defra yn gyfrifol am wirio bod Defra yn cydymffurfio â deddfwriaeth. Gallwch gysylltu ag ef trwy DefraGroupDataProtectionOfficer@defra.gov.uk neu yn y cyfeiriad uchod. Gallwch gysylltu â Llywodraeth Cymru trwy [DataProtectionOfficer@gov.wales](mailto>DataProtectionOfficer@gov.wales).

Pa ddata personol a gasglwn a sut y caiff ei ddefnyddio

Byddwn yn casglu eich:

- Enw
- Manylion cyswllt
- Safbwyntiau
- Sefydliad

Bydd Defra a Llywodraeth Cymru yn defnyddio'ch data personol pan fyddant yn ymgynghori â chi ac yn derbyn eich sylwadau a'ch safbwyntiau ar ddeddfwriaeth neu bolisi arfaethedig yn ymwneud â materion rydych wedi nodi eu bod o ddiddordeb i chi. Fe allai Defra gysylltu â chi'n uniongyrchol i'ch gwahodd i roi eich sylwadau a'ch

safbwyntiau wrth ymateb i ymarfer ymgynghori neu fe allech benderfynu ymateb i ymarfer ymgynghori a welsoch ar GOV.UK neu rywle arall.

Os byddwch yn ymateb i ymarfer ymgynghori, bydd eich data personol yn cynnwys eich enw a'ch manylion cyswllt a'r safbwyntiau a roddwch yn eich ymateb. Bydd Defra yn defnyddio'ch data personol i gofnodi'ch safbwyntiau ac ystyried eich ymateb – cyn belled ag y bo'n bosibl gyda'r holl ymatebion eraill – pan fydd penderfyniadau'n cael eu gwneud o ganlyniad i'r ymgynghoriad.

Sail gyfreithlon ar gyfer prosesu eich data personol

Eich cydsyniad yw'r sail gyfreithlon ar gyfer defnyddio'ch data personol at ddiben yr ymarfer ymgynghori hwn. Os yw Defra neu Lywodraeth Cymru wedi cysylltu â chi'n uniongyrchol i'ch hysbysu am ymarfer ymgynghori, gwnaed hynny oherwydd eich bod wedi rhoi gwybod i Defra'n flaenorol yr hoffech dderbyn negeseuon yn ymwneud â phwnc yr ymgynghoriad. P'un a gawsoch yr ymarfer ymgynghori'n uniongyrchol gan Defra neu mewn unrhyw ffordd arall, os byddwch yn ymateb i'r ymarfer ymgynghori, byddwch yn gwneud hynny'n rhydd ac yn wirfoddol ar ôl cael y cyfle i ystyried yr holl wybodaeth yn y dogfennau ymgynghori.

Tynnu'ch cydsyniad yn ôl

Mae prosesu'ch data personol wedi'i seilio ar gydsyniad. Gallwch dynnu'ch cydsyniad yn ôl unrhyw bryd drwy anfon neges e-bost at FMPconsultations@defra.gov.uk. Os byddwch yn tynnu'ch cydsyniad yn ôl, ni fydd Defra yn gallu cysylltu â chi ynglŷn â'r ymgynghoriad hwn, ymgynghoriadau eraill cysylltiedig na'r FMP cyhoeddedig terfynol. Efallai byddwn yn defnyddio'ch ymateb o hyd i ddiweddarau'r FMP, ond bydd hyn yn dienw ac ni fydd yn gysylltiedig â'ch data personol.

Gyda phwy y byddwn yn rhannu eich data personol

Bydd Defra yn cyhoeddi crynodeb o'r ymatebion; ni fydd hyn yn cynnwys unrhyw ddata personol.

O fewn Defra, bydd eich data personol ac adnabyddadwy ar gael i'r timau sy'n gweithio ar yr ymgynghoriad. Byddai'r rhain yn cynnwys y canlynol: y tîm polisi a enwyd yn y dogfennau ymgynghori, Cydlynnydd yr Ymgynghoriad a'r tîm sy'n dadansoddi'r ymatebion ymgynghori. Bydd eich data personol yn cael ei brosesu gan 'Citizen Space', sef y darparwr trydydd parti a ddewiswyd ar gyfer y gwasanaeth hwn.

Ymgynghoriad ar y cyd yw hwn, felly bydd Llywodraeth Cymru yn gallu cael at eich ymateb a'ch data personol.

Byddwn yn parchu eich preifatrwydd personol wrth ymateb i geisiadau mynediad at wybodaeth. Byddwn yn rhannu gwybodaeth pan fydd hynny'n angenrheidiol yn unig i fodloni gofynion statudol Rheoliadau Gwybodaeth Amgylcheddol 2004 a Deddf Rhyddid Gwybodaeth 2000.

Pa mor hir y byddwn yn dal data personol

Bydd Defra yn dal eich data personol am hyd at 3 blynedd ar ôl diwedd y cyfnod ymgynghori. Yna, bydd eich data personol yn cael ei olygu; bydd gweddill yr ymateb yn cael ei gadw am 7 mlynedd o leiaf a'i arfarnu gan ein tîm Arfarnu Gwybodaeth i benderfynu a oes gwerth hanesyddol i'r wybodaeth. Os felly, fe'i trosglwyddir i'r Archifau Cenedlaethol i'w gwarchod. Os nad oes gwerth hanesyddol iddi, caiff ei dinistrio yn unol ag amserlenni cadw.

Beth fydd yn digwydd os na fyddwch yn darparu'r data personol

Os na fyddwch yn darparu'r data personol, ni fydd y tîm polisi'n gallu cysylltu â chi ynglŷn â'r ymgynghoriad, yr FMP terfynol nac ymgynghoriadau eraill cysylltiedig.

Gwneud penderfyniadau awtomataidd neu broffilio

Ni fydd y data personol a ddarparwch yn cael ei ddefnyddio i:

- wneud penderfyniadau awtomataidd (gwneud penderfyniad trwy ddull awtomataidd heb unrhyw ymwneud gan bobl)
- proffilio (prosesu data personol yn awtomataidd i werthuso pethau penodol am unigolyn)

Trosglwyddo eich data personol y tu allan i'r Deyrnas Unedig

Bydd Defra ond yn trosglwyddo eich data personol i wlad arall yr ystyrir ei bod yn ddigonol at ddibenion diogelu data. Pan fydd angen, bydd Defra yn ceisio sicrwydd ynghylch mesurau diogelu priodol pan ystyrir bod trosglwyddiad cyfyngedig yn hanfodol.

Eich hawliau

Yn seiliedig ar y prosesu cyfreithlon uchod, mae gennych yr hawliau unigol canlynol:

- Yr hawl i gael gwybod
- Yr hawl i gael mynediad
- Yr hawl i gywiro
- Yr hawl i ddileu
- Yr hawl i gyfyngu ar brosesu
- Yr hawl i gludadwyedd data
- Hawliau yn gysylltiedig â gwneud penderfyniadau awtomataidd a phroffilio

Mae rhagor o wybodaeth am eich [hawliau unigol](#) o dan Reoliad Cyffredinol ar Ddiogelu Data y Deyrnas Unedig (GDPR y Deyrnas Unedig) a Deddf Diogelu Data 2018 (DPA 2018), [ar gael yma](#).

Cwynion

Mae gennych yr hawl i [wneud cwyn](#) i Swyddfa'r Comisiynydd Gwybodaeth unrhyw bryd.

Siarter gwybodaeth bersonol

Mae ein [siarter gwybodaeth bersonol](#) yn esbonio mwy am eich hawliau mewn perthynas â'ch data personol.